

॥ संकटमोचन हनुमान अष्टक ॥

॥ हनुमानाष्टक ॥

बाल समय रवि भक्षी लियो तब,
तीनहुं लोक भयो अंधियारों ।
ताहि सों त्रास भयो जग को,
यह संकट काहु सों जात न टारो ।
देवन आनि करी बिनती तब,
छाड़ी दियो रवि कष्ट निवारो ।
को नहीं जानत है जग में कपि,
संकटमोचन नाम तिहारो (२)

बालि की त्रास कपीस बसैं गिरि,
जात महाप्रभु पंथ निहारो ।
चौंकि महामुनि श्राप दियो तब,
चाहिए कौन बिचार बिचारो ।
कैद्विज रूप लिवाय महाप्रभु,
सो तुम दास के सोक निवारो
को नहीं जानत है जग में कपि,
संकटमोचन नाम तिहारो (२)

अंगद के संग लेन गए सिय,
खोज कपीस यह बैन उचारो ।
जीवत ना बचिहौ हम सो जु,
बिना सुधि लाये इहाँ पगु धारो ।
हेरी थके तट सिन्धु सबै तब,
लाए सिया-सुधि प्राण उबारो

को नहीं जानत है जग में कपि,
संकटमोचन नाम तिहारो (२)

रावण त्रास दई सिय को सब,
राक्षसी सों कही शोक निवारो ।
ताहि समय हनुमान महाप्रभु,
जाए महा रजनीचर मारो ।
चाहत सीय असोक सों आगि सु,
दैं प्रभु-मुद्रिका शोक निवारो
को नहीं जानत है जग में कपि,
संकटमोचन नाम तिहारो (२)

बान लग्यो उर लछिमन के तब,
प्राण तजे सुत रावन मारो ।
लै गृह बैद्य सुषेन समेत,
तबै गिरि द्रोण सु बीर उपारो ।
आनि सजीवन हाथ दई तब,
लछिमन के तुम प्राण उबारो
को नहीं जानत है जग में कपि,
संकटमोचन नाम तिहारो (२)

रावन युद्ध अजान कियो तब,
नाग कि फाँस सबै सिर डारो ।
श्रीरघुनाथ समेत सबै दल,
मोह भयो यह संकट भारो ।
आनि खगेस तबै हनुमान जु,
बंधन काटि सुत्रास निवारो

को नहीं जानत है जग में कपि,
संकटमोचन नाम तिहारो (२)

बंधु समेत जबै अहिरावन,
लै रघुनाथ पताल सिधारो ।
देबिहिं पूजि भलि विधि सों बलि,
देउ सबै मिलि मन्त्र विचारो ।
जाय सहाय भयो तब ही,
अहिरावन सैन्य समेत संहारो
को नहीं जानत है जग में कपि,
संकटमोचन नाम तिहारो (२)

काज किये बड़ देवन के तुम,
बीर महाप्रभु देखि बिचारो ।
कौन सो संकट मोर गरीब को,
जो तुमसे नहिं जात है टारो ।
बेगि हरो हनुमान महाप्रभु,
जो कछु संकट होय हमारो
को नहीं जानत है जग में कपि,
संकटमोचन नाम तिहारो (२)

॥ दोहा ॥

लाल देह लाली लसे,
अरु धरि लाल लंगूर ।

वज्र देह दानव दलन,
जय जय जय कपि सूर ॥

॥ Sankata Mochana Hanumanashtaka ॥

Bala Samaya Ravi Bhakshi Liyo
Taba Tinahun Loka Bhayo Andhiyarol
Tahi Som Trasa Bhayo Jaga Ko
Yaha Sankata Kahu Som Jata Na Taro |
Devana Ani Kari Binati
Taba Chhandi Diyo Rabi Kashta Nivaro |
Ko Nahim Janata Hai Jaga Mein
Kapi Sankatamochana Nama Tiharo ॥1 ॥

Bali Ki Trasa Kapisa Basai
Giri Jata Mahaprabhu Pantha Niharo |
Chaunki Maha Muni Sapa Diyo
Taba Chahiya Kauna Bichara Bicharo |
Kai Dvija Rupa Livaya Mahaprabhu
So Tuma Dasa Ke Soka Nivaro |
Ko Nahim Janata Hai Jaga Mein
Kapi Sankatamochana Nama Tiharo ॥2 ॥

Angada Ke Sanga Lena Gaye Siya
Khoja Kapisa Yaha Baina Ucharo |
Jivata Na Bachihau Hama So Ju
Bina Sudhi Laye Ihan Pagu Dharo |

Heri Thake Tata Sindhu Sabai
Taba Laya Siya-Sudhi Prana Ubaro |
Ko Nahim Janata Hai Jaga Mein
Kapi Sankatamochana Nama Tiharo ||3 ||

Ravana Trasa Dai Siya Ko
Saba Rakshasi Som Kahi Soka Nivaro |
Tahi Samaya Hanumana Mahaprabhu
Jaya Maha Rajanichara Maro |
Chahata Siya Asoka Som Agi Su
Dai Prabhu Mudrika Soka Nivaro
Ko Nahim Janata Hai Jaga Mein
Kapi Sankatamochana Nama Tiharo ||4 ||

Bana Lagyo Ura Lachhimana Ke
Taba Prana Taje Suta Ravana Maro |
Lai Griha Baidya Sushena Sameta Tabai
Giri Drona Su Bira Uparo |
Ani Sajivana Hatha Dai
Taba Lachhimana Ke Tuma Prana Ubaro |
Ko Nahim Janata Hai Jaga Mein
Kapi Sankatamochana Nama Tiharo ||5 ||

Ravana Juddha Ajana Kiyon Taba
Naga Ki Phansa Sabai Sira Daro |
Shriraghunatha Sameta Sabai Dala
Moha Bhayo Yaha Sankata Bharo |
Ani Khagesa Tabai Hanumana Ju
Bandhana Kati Sutrasa Nivaro |
Ko Nahim Janata Hai Jaga Mein
Kapi Sankatamochana Nama Tiharo ||6 ||

Bandhu Sameta Jabai Ahiravana
Lai Raghunatha Patala Sidharo |
Debihim Puji Bhali Bidhi Som
Bali Deu Sabai Mili Mantra Bicharo |
Jaya Sahaya Bhayo Taba Hi
Ahiravana Sainya Sameta Samharo |

Ko Nahim Janata Hai Jaga Mein
Kapi Sankatamochana Nama Tiharo ||7 ||

Kaja Kiyo Bada Devana Ke Tuma
Bira Mahaprabhu Dekhi Bicharo |
Kauna So Sankata Mora Gariba Ko
Jo Tumasom Nahim Jata Hai Taro |
Begi Haro Hanumana Mahaprabhu
Jo Kuchha Sankata Hoya Hamaro |
Ko Nahim Janata Hai Jaga Mein
Kapi Sankatamochana Nama Tiharo ||8 ||

|| Doha ||

Lala Deha Lali Lase,
Aru Dhari Lala Langura |
Bajra Deha Danava Dalana,
Jaya Jaya Kapi Sura ||